



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0003065 05

Sarajevo, 23.10.2024. godine

SUD BOSNE I HERCEGOVINE
SUDIJI ZA PRETHODNO SASLUŠANJE

Na osnovu članova 35. stav 2. tačka i) i 226. stav 1. Zakona o krivičnom postupku Bosne i Hercegovine (ZKP BiH), podižem:

OPTUŽNICU

Protiv:

■ Ivanović Bore, ■ rođenog ■ 1946. godine u Foči, ■
■ državljanina Bosne i

Hercegovine, ■
■
■
■
■
■
■
■

Što je:

U periodu od sredine mjeseca aprila 1992. godine pa do jula 1992. godine, u vrijeme rata u BiH i u toku oružanog sukoba između Vojske Srpske Republike Bosne i Hercegovine a potom Vojske Republike Srpske (u daljem tekstu VRS) sa jedne strane i Teritorijalne odbrane Republike Bosne i Hercegovine a kasnije Armije Republike Bosne i Hercegovine (u daljem tekstu ARBiH) sa druge strane, postupajući suprotno pravilima međunarodnog prava, kršeći odredbe člana 3. stav 1. tačka a) i c), i člana 27. stav 2. Ženevske konvencije o zaštiti građanskih osoba za vrijeme rata od 12. avgusta 1949. godine i Dopunskog protokola II uz Ženevske konvencije od 12. avgusta 1949. godine o zaštiti žrtava nemeđunarodnih oružanih sukoba, a u okviru širokog i sistematičnog napada Vojske Srpske Republike Bosne i Hercegovine a kasnije Vojske Republike Srpske na civilno muslimansko stanovništvo opštine Foča, znajući za taj napad i da njegove radnje čine dio toga napada, kao pripadnik Vojske Srpske Republike Bosne i Hercegovine a kasnije Vojske Republike Srpske, VP 8078 – Foča, u cilju nanošenja velikih patnji i povreda tjelesnog integriteta civilnih lica, izvršio višestruko silovanje ženske osobe Bošnjačke nacionalnosti, tako što je tačno neutvrđenog dana u mjesecu maju 1992. godine, poslao dva vojnika u stan oštećene ██████ u Foči, u kojem je živjela ██████ ██████, i koji vojnici su joj rekli da Ivanović Boro želi da razgovara sa njom, pa je ista, a pošto je od prije poznavala Ivanović Boru i znala je da je on u to vrijeme bio komandir neke vojne jedinice, pošla sa vojnicima misleći da isti želi da joj pomogne, ██████ ██████, a koji vojnici su joj naredili da uđe u obližnju zgradu ██████, te je doveli do stana ██████, i rekli da uđe u stan, što je ista uradila i gdje je po ulasku u stan zatekla Ivanović Boru koji je bio u vojnoj košulji i vojnim pantalonama, koji joj je poslije kraćeg razgovora, a pitajući je za ██████ ██████, prišao te je rukom uhvatio za nadlakticu ruke i odgurao do spavaće sobe, te pošto ga je ██████ pitala: „Šta ti je, šta radiš“, Boro Ivanović je otvorenim dlanom ruke udario u predio lica i naredio joj da se skine, te ako to ne uradi da će pričati drugačiju priču, pa je ██████ u strahu za život sebe i svoje porodice skinula odjeću koju je imala na sebi ██████, poslije čega je Ivanović Boro skinuo svoju odjeću te prišao ██████ i izvršio silovanje, poslije kojega je napustio tu prostoriju i otišao u drugu sobu a ██████ napustila navedeni stan,

što je na identičan način, tačno neutvrđenih datuma do kraja mjeseca juna 1992. godine Boro Ivanović nad [REDACTED] ponovio još najmanje 7 puta.

Dakle, u okviru širokog i sistematičnog napada usmjerenog na civilno nesrpsko stanovništvo, znajući za taj napad i svjestan da njegove radnje čine dio tog napada, u više navrata prisilio žensku osobu na seksualni odnos,

Čime je počinio krivično djelo Zločini protiv čovječnosti iz člana 172. stav 1. tačka g) Krivičnog zakona Bosne i Hercegovine (KZ BiH), u vezi sa članom 180. stav 1. KZ BiH.

T U Ž I L A C
TUŽILAŠTVA BOSNE I HERCEGOVINE